



Xaus Saus Yuav Pab Tau Koj Li Cas Thaum Ib Tug Neeg Hauv Tsev Neeg Tau Tas Sim Neej

Muaj dabtsi nyob sab hauv

Tiv Tauj Xaus Saus

2

Koj yuav tsum qhia rau Xaus Saus paub sai li sai tau thaum uas ib tug neeg hauv koj tsev neeg tau tas sim neej. Feem ntau, tus neeg tswj saib lub tsev txias yuav muab tus neeg tas sim neej tshaj tawm tuaj qhia rau Xaus Saus paub. Koj yuav tau muab tus neeg tas sim neej tus lej Xaus Saus rau tus neeg tswj saib lub tsev txias kom lawv muaj tshaj tawm.

Tej zaum ib txhia ntawm tus neeg tas sim neej tsev neeg yuav tau txais cov txiaj ntsim kev pab Xaus Saus yog tias tus neeg tas sim neej tau ua haujlwm ntev txaus rau hauv nws cov haujlwm uas muaj ntawv nyob rau hauv Xaus Saus los txais cov txiaj ntsim kev pab. ***Tiv tauj Xaus Saus sai li sai tau kom koj paub meej tias tsev neeg yuav tau txais tas nrho cov txiaj ntsim kev pab uas yeej yog lawv teej tug li.***

Thov ua zoo nyeem cov ntsiab lus nram qab no kom koj paub tias cov txiaj ntsim kev pab muaj rau koj yog li cas.

- Peb ua ib teg them \$255 rau tus txwj nkawm ua ntsuag los tau yog tias nws yeej nyob nrog tus tas sim neej ntawd. Yog tias nkawd nyias nyob nyias thiab tseem muaj cai txais cov txiaj ntsim kev pab Xaus Saus uas nyog rau ntawm tus tas sim neej cov ntawv khaws tseg, tus txwj nkawm ua ntsuag tej zaum tseem muaj feem txais qhov nyiaj lawv ua ib teg them tuaj thiab. Yog tias tsis muaj tus txwj nkawm ua ntsuag li, ces ib tug menyuam uas muaj feem txais cov txiaj ntsim kev pab ntawm tus neeg tas sim neej uas nyob hauv ntawv rau lub hlis tau tas sim neej yuav tau txais qhov nyiaj them tuaj no.

- Tej tus neeg hauv tsev neeg **tej zaum yuav muaj feem** los txais cov txiaj ntsim kev pab them txhua hli, xam nrog tas nrho:
 - Ib tug ua ntsuag los tsis muaj poj se hnuv nyoog 60 los yog laus dua (hnuv nyoog 50 los yog laus dua yog tias muaj tus mob lub cev tsis taus);
 - b tug ua ntsuag los tsis muaj poj se tsis hais hnuv nyoog li cas los xij uas saib tu tus neeg tas sim neej tus menyuam uas tsis muaj hnuv nyoog 16 xyoo los yog muaj tus mob lub cev tsis taus;
 - Ib tug menyuam uas tsis tau sib yuav ntawm tus neeg tas sim neej uas:
 - Hluas dua lub hnuv nyoog 18 xyoo (los yog txog rau lub hnuv nyoog 19 xyoos yog tias lawv yog ib tug neeg kawm ntawv tas hnuv nyob rau ib lub tsev kawm ntawv qib qis los yog qib nrab); los yog
 - Hnuv nyoog muaj 18 xyoo los yog laus dua uas muaj ib tug mob lub cev tsis taus uas pib thaum ua ntej nws muaj hnuv nyoog 22 xyoos;
 - Ib tug menyuam ua niam txiv qhuav rau, ib tug xeeb ntxwv, los yog ib tug xeeb ntxwv yuav los tu nyog ntawm tej yam tau tshwm sim los;
 - Cov niam txiv, muaj hnuv nyoog 62 xyoos los yog laus dua, uas tau kev pab cuam nta lub neej los ntawm tus neeg tas sim neej ntawm qhov tsawg kawg yog ib nrab ntawm txoj kev pab cuam nta lub neej; thiab
 - Ib tug txwj nkawm ua ntsuag uas sib nraum lawm, nyob rau ntawm tej yam tau tshwm sim los.

Yog tias tus neeg tas sim neej yeej tau txais cov txiaj ntsim kev pab Xaus Saus, koj yuav tau muab cov nyiaj uas nws tau txais rau lub hlis nws tas sim neej los yog cov hli tom qab ntawd xa rov tuaj. Muab piv txwv, yog tias tus neeg tas sim neej rau Lub Xya Hli Ntuj, koj yuav tsum muab cov nyiaj them tuaj rau Lub Yim Hli Ntuj xa rov tuaj. Yog tias tau txais cov nyiaj muab tso

ncaj qha rau txhab nyiaj lawm, tiv tauj lub txhab nyiaj los yog lwm lub chaw tuav nyiaj thiab hais kom lawv rov muab tej nyiaj uas tau txais rau lub hlis tas sim neej los yog lig dua ntawd xa rov tuaj. Yog tias lawv them tshev nyiaj tuaj, tsis **txhob** muab cov tshev nyiaj uas tau txais rau lub hlis tus neeg tas sim neej los yog lig dua ntawd pauv. Muab cov tshev nyiaj xa rov tuaj rau Xaus Saus sai li sai tau.

Tiamsis, cov neeg hauv tsev neem uas tsim nyog txais cov nyiaj tas sim neej rau lub hlis tus neeg tau tas sim neej muaj feem yuav txais tau cov nyiaj.

Tiv Tauj Xaus Saus

Muaj ntau txoj kev tiv tauj Xaus Saus, tsis hais hauv Internet, hu xov tooj, thiab tuaj tim ntsej tim muag. Peb nyob ntawm no teb koj cov lus noog thiab pab ua haujlwm rau koj. Ntau tshaj li 80 xyoo los lawm, Xaus Saus yeej tau pab tuav tswj khov lub neej hnuv no thiab tag kis mus los ntawm txoj kev pab txiaj ntsim kev pab thiab kev tiv thaiv kev siv nyiaj txiaj rau tsheej laab tus tib neeg thoob plaws rau lawv txoj kev taug ua lub neej.

Mus saib peb lub vas sab

Txoj hauv kev yooj yim tshaj plaws rau koj mus khiav haujlwm nrog rau Xaus Saus nyob rau lub chaw twg los tau, ces yog mus saib **www.socialsecurity.gov**. Nyob rau ntawd, koj muaj feem ua tau:

- Tsim ib lub *my* Social Security lub chaw cia nyiaj los mus saib xyuas koj *Social Security Statement (Daim Ntawv Teev Nyiaj Xaus Saus)*, teev meej cov nyiaj koj khwv tau los, luam ib tsab ntawv teev meej koj nyiaj pab thaum laus, hloov koj cov nyiaj koj tso ncaj qha rau hauv, thov ib daim npav Medicare tshiab, mus muab daim ntawv SSA-1099/1042S hloov tshiab, thiab ntau yam ntxiv;
- Ua ntawv thov Kev Pab Ntxiv (Extra Help) rau cov nuj nqis them tshuaj Medicare;

- Ua ntawv thov cov txiaj ntsim kev pab rau thaum laus so haujlwm, muaj mob lub cev tsis taus, thiab ntawv kho mob Medicare;
- Mus nrhiav saib peb cov ntawv luam tseg;
- Mus muab cov lus teb rau tej yam lus tig neeg nquag noog heev; thiab
- Ntau yam tshaj ntxiv!

Tej yam ntawm cov kev pab cuam ntawm no yog tsuas muaj muab hais ua lus Askiv nkaus xwb. Mus saib peb lub chaw Multilanguage Gateway yog xav paub ntxiv uas yog muab hais ua hom lus Hmoob. Peb yuav muab cov kev pab txhais lus pub dawb los pab koj khiav haujlwm nrog rau Xaus Saus. Cov kev pab txhais lus yog muaj rau koj siv tab txawm koj nrog peb tham hauv xov tooj los yog nyob rau hauv Xaus Saus lub chaw ua haujlwm.

Hu peb

Yog tias koj tsis muaj kev nkag mus siv Internet, peb muaj ntau txoj kev pab tamsim ntawd uas yog siv xov tooj, 24 teev tauj ib hnuv, 7 hnuv tauj ib asthiv. Hu rau peb tus xov tooj hu dawb ntawm **1-800-772-1213** los yog peb tus xov tooj TTY, **1-800-325-0778**, yog hais tias koj lag ntseg los yog hnov lus tsis zoo.

Yog tias koj xav hais lus nrog ib tug neeg, peb tau koj tsab xov tooj thaum 7 teev sawv ntxov mus txog rau 7 teev tsaus ntuj, Hnuv Vas Cas mus txog rau Hnuv Vas Xuv. Peb thov koj ua siab ntev thaum cov sijhawm peb tsis xyeej vim hais tias tej zaum koj yuav hnov lub tswb xov tooj hais tias peb tsis tau khoom teb ntau tshaj thiab yuav tau tos ntev dua lim mam tau nrog peb tham. Peb tos ntsoov yuav pab ua haujlwm rau koj.



Securing today
and tomorrow

Social Security Administration

Publication No. 05-10008-HM | May 2017

Xaus Saus Yuav Pab Tau Koj Li Cas Thaum Ib Tug Neeg Hauv Tsev Neeg Tau Tas Sim Neej

How Social Security Can Help You When a Family Member Dies (Hmong)

Produced and published at U.S. taxpayer expense

Tsim los thiab muab luam tawm los ntawm cov se uas tus Neeg Asmeskas them se rau